

19
20
21
22
23
24
25
26
27
28
29
30
31
32
33
34
35
36
37
38
39
40
41
42


金石續編

古130
854-2
部 1~16



222

金石續編



編	石	金
續	續	續
冊	十	卷
六	刻	本
十	類	部
第	九	三
四	九	號

同治甲戌秋
雙白燕堂琴軒

金石續編一書余既三四讀之而一再跋之矣今八月
哲嗣子受兄舉以相屬曰先人手澤幸獲守存慮傳之
不遠且久也行將付剞劂矣子有宿好子其校之子所
藏度可增益之噫余於金石之學未窺涯涘烏克任此
顧以蒼痂之癖得廁名卷尾不可謂非幸也不揣譎陋
宗王氏之例輯為目錄一卷碑錄廿卷外國一卷闕者
補之謊者正之差者次之偽者削之旁采諸家之題跋
間一參以鄙見冀有欣於先生之書也生平之所蓄所
見不敢屢入恐淆先生之真而貽先生之書之玷也輯
既竣迺慨然曰古人事蹟史不悉載賴金石以傳之金
有時燬石有時泐賴墨本以傳之墨本聚散何常存亾

何定賴箸錄以傳之箸錄之家 本朝極盛薈萃成書

奚啻百數有限以時代者 翁氏兩漢金石志嚴氏漢金

跋范氏分隸偶存王氏漢隸拾遺某氏隸 有限以一省

者 孫氏京畿金石攷樊氏畿輔古石刻畢氏中州金石

山左金石志兩浙金石志黃氏中州金石志攷嚴氏五陵

金石志朱氏雍氏金石志杜氏越中金石志謝氏粵西

北金石志存佚攷某氏兩湘金石志劉氏三巴香古志有

限以 一省并限以時代者 唐石刻補遺 有限以一郡者

嚴氏江甯金石志李氏括蒼金石志丁氏武林 有限以

一邑者 葉氏嵩陽石刻記朱氏濟甯金石志段氏益都

陽金石志錢氏嘉定金石志袁氏河內金石志 有限以域

外者 李氏羅麗琳瑯攷趙氏海東金石志存韓 有限以名

山者 嚴氏五嶽貞珉攷某氏七星巖志翁氏九曜石志

有限以一人者 嚴氏平原 有限以一碑者 顧氏石經攷

梳氏石經攷異 有別以體者 嚴氏金石類籤 有敘以表

者 曹氏金 有繪以圖者 褚氏牛氏金石經眼錄 其上追

秦漢下逮遼金近自里閭遠訖海外綜括而攷證之者

亦不下數十家或宗歐趙之例著目錄加跋尾 錢氏潛

石錄目金石文跋尾武氏授堂金石跋讀史金石集目

邵氏方輿金石碑目孫氏稟宇訪碑錄嚴氏知白齋金

石文跋尾趙氏竹庵盒金石目錄王氏竹 或宗洪氏之

雲題跋某氏金石詳林某氏金石小箋 或宗洪氏之

例具載全文 顧氏妙齋金石文字記林氏來齋金石攷李氏

卷首序

二

金石或勸前人之謫錢氏校金或補前人之不足葉氏

審錄劉氏金石續錄錢氏金石後錄葉氏金石錄補潘

氏金石文字記補遺吳氏筠清館金石記瞿氏古泉山

館金石文編顧氏或未獲讀其書或且并未知其書

補寰宇訪碑錄而嗜古博物之家探奇搜秘未必盡加甄錄甄錄矣未

必成書書成矣未必盡刊則雖希有之品終焉湮沒不

傳而已顧書亦未必盡傳於世傳於世亦未必盡足徵

信富於摭拾故物久亾索記者惜焉域於聞見遠訪無

資愛博者恡焉疏於援據稽古者病焉失於審擇別偽

者嗤焉是故王氏萃編一書實為宇宙之鉅觀古今之

傑構故其自序云欲論金石取足於此不煩他索焉而

後之踵而起者冀以彌縫其闕則有如吳氏之筠清館

金石記瞿氏之古泉山館金石文編以及先生之是書

也吳氏蒐羅富萃編外多至二千六百餘通後人不

能守其書道州何氏得之矣瞿氏考核最精跋語多者

至千數百餘言原書已付劫灰傳鈔之本曩一見於潘

氏近聞不知所在矣而先生是書得以後人之克守前

芬刊行於世先生之幸也亦王氏之幸也即古人之幸

也抑更有奢望者本朝金石之學遠軼前代倘得聚

百餘家已刊未刊之書統數千百年之遺文妙蹟芟其

繁複別其訛謬覈其異同判其真贗集其大成而彙泐

一編永傳千古則書之傳者益傳不傳者亦傳其書傳

冊所不傳之古人亦罔弗賴是以傳將王氏所謂欲論金石取足於此不煩他索者其在此而不在彼也不誠天下後世之大幸也哉顧非大有學而大有力者其能與於此哉同治戊辰十月後學增祥謹跋

題跋

曩時交游中嗜金石之藏者惟紹聞而方立彥聞繼之各以所得相誇也計其所藏彥聞最夥考釋亦最詳方立從紹聞於秦故所得略相亞未幾方立歿於京師又數年彥聞歿於閩幸所蓄者其家各能守之耳紹聞歸然獨在尚能繙繹稽攷其金石之幸乎暇當會三家之藏與其所題識合而編焉庶苦心之不負也時紹聞自粵歸始相見於暨陽書院出此見示因識之日月不處尚冀斯編之速成也道光十四年三月既望李兆洛續編簡潔覈實較原書成於眾門生之手尤襍炫博者勝之什倍不煩贊嘆唯有欽服而已謹以奉還異日擬

以所藏所見彙泐一書當於鱸堂暇日細商之成行之
前終欲一踐宿約藉語離悰也蔣因培

咸豐乙卯丙辰間在京師搜集金石文字凡萃編所未
載者輒以一得自喜嗣聞海內有續編一書而卒未審
為誰氏所輯憾不得一見以證所藏也今得見之而讀
之幸矣又竊憾其書之未竟也又竊憾歸所蓄之搨本
尚存京師不獲取以參互攷訂也顧猶能約略言之先
生所錄而余未及得者固多余所得而先生未及錄者
亦自不乏秦則有銅權銘也漢則有海鹽磚文石牆邨
石刻三公山神碑并陰三公山碑并側白石神君碑陰
樊敏高頤碑及重刊之馮緄碑也馮煥李業楊宗闕及

沈君左右高頤東西各兩闕也三國則有楊公闕曹真

殘碑并陰也晉則有賈夜字闕韓壽碣也魏則有鄭道

昭題字四種刁遵誌陰劉懿吳高黎二誌也北齊則有

李琮誌也隋則有信行塔銘張通妻陶誌蜀王美人董

氏誌宋永貴誌也唐則有高祖時之蘇玉華誌疑偽也

太宗時之靈琛塔銘郭雲銘萃編次大業三年有日無
文碑刻貞觀五年疑偽作

曇徽舍利塔記也高宗時之蕭勝誌疑偽樊興碑清河

太夫人碑房仁裕碑程氏塔銘杜公墓誌陰棲霞寺碑

劉奉芝王留兩誌也豫王時之八都壇神君實錄也偽

周時之慶林觀鍾欵高涼靈泉記長孫氏誌盧八娘碣

也中宗時之王才賓浮圖頌楊氏合葬殘碑也元宗時

之姚懿碑龍興寺額張軫誌神寶寺記本願寺銅鍾銘并陰子產祠殘碑張令忠浮圖記段常省塔銘黃撫妻劉氏暨韋瓊劉智誌也肅宗時之開元寺石柱題刻巴州佛龕記光福寺楠木歌鮮于氏離堆記殘刻也代宗時之李楷洛碑趙州刺史何公碑也德宗時之再葺山亭記賈氏誌張維岳碑也憲宗時之高涼泉記也文宗時之崔蕃張源二誌也武宗時之能禪師石窟銘趙夫人張氏誌也宣宗時之岳林寺塔銘也懿宗時之王夫人張氏誌脩中嶽廟記宇文氏誌來佐本及常郭二氏誌也唐刻不悉記唐以降自五代以迄遼金約有數十通造象題記及經幢之類則自蕭梁王世成以迄宋之

余祺約有六百餘刻釋氏經刻以雲居山為最多所得者十不及一約二十餘本計二百四十餘石山川形勝之區題詠鐫名所在多有所得者約有百數十段無年月可系者不在其列也朝鮮石刻則有真興王巡賞殘碑已丑年題字兩刻并古篆文一碑也異時當就所有者蒐輯成帙以附斯編之末並將編中僅列於目各種就所有者補錄全文以彌斯編之闕申耆先生云日月不處尚冀斯編之速成於此益深慨焉兵燹十餘年蹂躪十餘省藏度之家大都散佚抱殘守闕視昔倍難同志寥寥吾生恨晚見聞有限四顧茫然瞻企前修能無奮勉同治甲子八月杪增祥讀并識


昔於京師厥肆得隋太僕卿元公及夫人姬氏兩誌銘
不知石所在也今讀紹聞先生金石續編始知石在咸
甯於嘉慶初年出土先生先得拓本後并得其石載歸
武進故編中於此銘攷訂特為翔實耆古之癖可想比
從哲嗣子受觀察借到遺書時一展繹甚擴聞見又與
所藏筠清館金石錄足相印證今觀察將東歸奉還珍
冊敬題小句元公石如無恙尚冀精拓寄惠也鬱林載
石無文字誰似隋元太僕銘想見東南兵火後貞珉長
映九龍青清名廿載在湘中家法無慙儒吏風珍護楹
書歸丙舍尚應虹月爛江東筠清館例泐蒲褐許東燕林葉
卿劉亭吳亦自賢安得百家金石聚鴻編烜赫中興年

同治戊辰初秋道州何紹基題

一曠四載矣點檢墨本所獲無多羅致惟艱攷覈良苦
屬司校錄一並附書再讀茲編益深景仰計晉刻二潯
陽太守碑文楊窰磚字宋刻一景平殘碑魏刻二長樂
王邱穆陵亮夫人造象記始興造象記齊一乾明殘刻
隋四張文□等造塔象殘刻龍山公墓誌宋某造象題
名玉泉寺鐵鑊欵識唐四十二湯某妻傷氏誌燃燈舍
利塔題字楊政本妻韋氏誌□義成造象題名張元弼
暨邱氏合葬墓誌張文珪造象銘碑張景之慶之敬之
三誌韋損誌麓山寺碑陰靈巖寺頌南嶽投龍告文斬
恒德政幢鬱林觀東巖壁記彭景宣造象題記韋抗功

德碑張點張孚張漪三誌張軫暨邵氏合葬誌張肱暨
 李氏墓誌徐德行壙誌焦瓘誌浯溪銘唐廩銘浯溪李
 諒韋瓘題記窀尊銘張銳誌明覺寺尼心印記李氏殤
 女墓石始得西山宴游記袁家渴記石渠記此三種疑
宋人所刻
 苻某妻李氏誌張曠誌王某妻李氏誌翟氏某夫人誌
 再建圓覺塔銘畢公柏堂寺瑞像頌宏農楊氏誌蓋蜀
 一越國夫人四十二娘造象記南漢二感報寺鍾欵識
 崇福寺鍾欵識吳越二保叔塔碑字風山靈德王廟碑
 宋三十九无寂禪師碑永州新學門銘宣撫記姑蘇臺
 同年會記放商鹽頌崇德廟財帛庫記沈文罕修塔石
 刻峴山石幢帖詩題名各刻寶方經偈刻楊夫人權厝

誌朱子牧愛堂三字蔣暉臨無上宮主仙筆善德山紹
 熙詩刻岑公洞黃山谷題記黃山谷書欵乃曲石刻浯
 溪李若虛陳從古蔡說徐自明曾煥趙楷盧何深王志
 為姜虎題字熙甯七年殘刻米公祠米書十三種蔡書
 黃書各一種凡九十六通戊辰八月增祥再記



例言

一 是編專錄王氏所未備編中有偶未及檢者悉數芟除俾免復沓

一 編中有錄無文者凡一百七十餘種有可補者補之無可補者闕之仍登諸錄以俟搜求

一 編中所錄碑文不無舛錯或據石墨正之或據他書改之字句所疑姑從蓋闕文義可會亦勿妄更

一 編中次第先後間或參錯概為移易碑為後人所重刊即以重刊之號年為準

一 物有偽作並皆刪汰唯李術誌原跋云錄而摘之以懲贗託姑仍留之

一萃編於外國石刻別分一卷而朗空塔銘仍附於平
百濟碑後自乖其例也茲另編列尾仍以中夏之號
年為次

一唐以前篆隸諸碑例模點畫編中未及盡摹爰檢墨
本對臨之自唐而降悉仍其舊

一諸家題跋足相印證兼為採入惟平生所見金石諸
書大都借讀過目輒忘家數藏本不能悉錄望一漏
萬知所不免

一攷覈具詳原跋跋後聞坳數語核其異同者居多涉
學本淺時日又促有不能為亦不暇及焉

一萃編不收元碑編中七星巖題名附列楊庭璧破獠

記一刻九曜石題名附列敦詩韋德安兩刻爰宗王

氏之例刪之而仍錄於此楊庭璧破獠記云古端兩

日以殺戮掠賣為事鄉民苦不忍言已丑冬秘東平

路恩州楊庭璧字君璋以昭勇大將軍廣南西道宣

慰使奉省檄督而來庚寅上元日即破賊矣端民均

拜更生鑑此以紀實云昔庚寅孟夏晦前一日跋云

案廣東通志金石畧云獠寇即獠寇將丙庚寅元至

正十年七月巽巖志載此刻突境作窺境字君璋字作

李即破賊矣矣作焉皆視之未審爾廣南西道通志

脫南字 仙掌石敦詩題記云至正甲申秋余奉天

子命來鎮東廣適官舍介于仙湖之東

觀仙掌石刻乃宋嘉熙蕭大山

宛然如新案郡志仙湖舊名石洲

石號九曜而仙掌蓋居其一焉

興斯石屹然猷存合嶺九仙之跡

慨然與歎遂識諸歲月俾後之來者亦

而刻銘無窮共臻于古之勝概以

遊推太華又觀仙掌五羊洲至

奉大夫廣東道宣慰使都元帥

口

口

口

口

口

口

口

口

口


口

口

口

口

詩誌令史韋德安書丹跋云按至正四年甲申元順
帝嗣位之十二年以廣州學宣聖遺像記攷之甲申
乙酉廣東宣慰使都元帥乃僧家奴此石結銜下剥
蝕難辨通志職官亦失載敦詩當亦宣慰使屬官惜
名上已缺攷延祐三年銅漏壺題字宣慰使屬官也
府有令史都事經歷提領諸屬未識敦詩何也
韋德安題名云至正丙戌正月望日韋德安叔逸遊
此跋云丙戌至正六年也以上二刻通志皆未見



金石續編卷首 目錄

武進陸耀燾纂

太倉陸增祥校訂

卷第一

漢

吳

晉

前秦

宋

齊

後魏

成山宮銅渠斗欵

神爵四年

萊子侯石刻

天鳳三年二月

會稽冢地刻石

建初元年

李昭碑

元初五年三月

潁川太守太室題名

延光四年三月

右扶風丞李君通閣道記

永壽元年

堂谿典崇高廟請雨銘

熹平四年

王知殘碑

中平二年

仙人唐公房碑陰

九真太守谷朗碑 鳳皇元年四月

升平碑文二種

鄭能進修鄧艾祠碑 建元三年

甯州刺史爨龍顏碑 太明二年九月

妙相寺石佛題字 永明六年

營州刺史高貞碑 正光四年六月

魏氏造象碑側 正光五年六月

卷第一 東魏 西魏 北齊 北周

疑禪寺三級浮圖碑 元象二年二月

道俗九十人等造象銘 武定元年十月

王雙虎等造象記 武定二年十二月

僧惠造象記 武定三年七月

延陵顯仲造象記 武定七年二月

興化寺高嶺諸村造象記 武定七年四月

金剛經碑

邑子廿七人造象記 大統十年六月

劉氏造象記 大統十七年三月

邢多五十人等造象記 天保二年七月

宋顯伯等造象龕記 天保三年四月 并陰側

李清造報德象碑 天保六年七月

宋王仁造象記 天保八年三月

邑義垣周等造象記 天保八年十一月

鄉老舉雋敬碑 并陰 皇建元年十二月

鎮池寺李磨侯造象記 天統三年四月

朱岱林墓誌銘 武平二年二月

道興造象并古驗方 武平六年六月

南崇雋等造象碑 武成四年

卷第三 隋

千佛山造象記七段 開皇七年至十五年

驃騎將軍鞏賓墓誌銘 開皇十五年十月

脩梵石室誌銘 開皇十五年十月

岐州舍利塔下銘 仁壽元年十月

栖巖道場舍利塔碑 大業初

王摩侯舍利塔記 大業五年正月

正議大夫甯贇碑 大業五年四月

太僕卿元公墓誌銘 大業十一年八月

太僕卿元公夫人姬氏墓誌銘 大業十一年八月

卷第四 唐一

城武孔子廟堂碑 武德九年十二月

濮陽令于孝顯碑 貞觀十四年十一月

和糴粟窖輒文四種 貞觀十四年至大中十一年

至德觀法主孟靜素碑 貞觀十六年五月

贈殷比干太師詔 貞觀十九年二月

晉祠銘碑陰題名

貞觀廿年正月

趙婆造塗金阿彌陀象記

貞觀廿一年正月

文安縣主墓誌銘

貞觀廿二年三月

晉州刺史裴府君碑

貞觀廿三年

幽州都督牛秀碑

貞觀末

芮定公豆盧寬碑

永徽元年六月

卷第五

唐二

中書令昭公崔敦禮碑

顯慶元年十月

光明寺慧了塔銘

顯慶二年二月

信法寺彌陀象碑

顯慶三年四月

千佛山劉玄意造象記

顯慶三年九月

桂州舍利函記

顯慶四年四月

豆盧遜墓誌銘

顯慶四年八月

處士張興墓誌銘

龍朔元年十月

張周醜等造象記

龍朔二年八月

周村十八家造象塔記

麟德元年六月

蘇寶才造象記

麟德元年六月

孫文才石碑象銘

麟德元年九月

張對之銘

乾封二年正月

韓寶才墓誌銘

咸亨四年十一月

周遠志造彌陀象文

上元二年十二月

許洛仁妻宋氏墓誌銘

青蓮寺造象殘刻

張三娘造象并鐫心經題記 永隆二年五月

傅黨仁等造象記 永隆二年九月

花塔寺馮鳳翼等造象題名

上護軍龐德威墓誌銘 垂拱三年十一月

朝請大夫陳護墓誌銘 垂拱四年正月

卷第六 唐三

宣州刺史陶大舉德政碑 永昌元年二月

中岳沙門法如行狀 永昌元年七月

馬元貞投龍記 天授三年正月

處士程匡景墓誌銘 長壽三年正月

龍龕道場銘 聖曆二年二月

岱岳觀題名 聖曆二年

夫人袁氏權殯誌 聖曆三年正月

鴻慶寺碑 聖曆年

薛剛墓誌銘 久視元年五月

尚直博墳銘 長安三年

范洪恩造浮圖記 神龍二年九月

龍興觀道德經 景龍二年正月
并陰側

梁嘉運墓誌銘 景龍三年十月

王思恭造石浮圖銘 景雲元年九月

奉仙觀祭告文 景雲二年六月

韋利器等造象銘

開元三年八月

贈歙州刺史葉慧明碑

開元五年七月

萊州刺史唐貞休碑

開元十年七月

老子孔子顏子讚并奏勅

開元十一年八月

折夫人曹氏墓誌銘

開元十一年十一月

卷第七

唐四

唐氏女端墓誌銘

開元十二年六月

青城山常道觀勅

開元十三年正月
并陰

豐義令鄭温球墓誌銘

開元十五年七月

盧施令于士恭墓誌銘

開元十五年十月

敬節法師塔銘

開元十七年七月

秦望山法華寺碑

開元廿三年

周村卅餘家鐫象記

開元廿四年正月

大智禪師義福塔銘

開元廿四年七月

令長新誠

開元廿五年二月

殷夫人顏氏碑

開元廿六年正月

尼榮惠隱塔銘

開元廿六年二月

龍光寺舍利塔記

開元廿八年七月

郭楚貞母建多寶塔銘

開元廿九年閏四月

卷第八

唐五

陳令望心經碑

天寶元年四月

張尊師探玄碑

天寶二年六月

玉真公主祥應記 天寶二載

天寶陀羅尼咒石刻 天寶三載二月

任令則碑 天寶四載十二月

張虔万造象銅碑 天寶五載五月

振威副尉口君墓誌銘 天寶六載十月

房渙翠峰亭記 天寶八載三月

王屋山劉若水碑銘 天寶十一載二月

張元忠妻令狐氏墓誌銘 天寶十二載十二月

怡亭銘 永泰元年五月

鐵元始象讚

承天軍城記 大曆元年

少林寺同光塔銘 大曆六年六月

妒神碑 大曆十二年五月

平蠻碑 大曆十二年

懷素自敘石刻 大曆十二年十月

脩吳季子廟碑 大曆十四年八月

卷第九 唐六

舜廟碑 建中元年

大岷山銘 建中元年四月

獨秀山石室記 建中元年八月

涇王妃韋氏墓誌銘 建中三年二月

景昭法師碑 貞元三年正月

韋夫人王氏墓誌銘 貞元六年二月

長豐令李丕墓誌銘 貞元六年十一月

清河張夫人墓誌銘 貞元八年五月

懷素東陵聖母帖 貞元九年四月

王仲堪墓誌銘 貞元十三年四月

大樂山修楞伽寺碑 元和六年六月

沁河枋口等記 元和六年十一月

石壁寺甘露義壇碑 元和八年三月

李術墓誌銘 元和九年正月

宣功參軍魏邈墓誌銘 元和十年四月

十哲讚碑 元和十年十二月

瀆陽東嶺洞谷銘 元和十一年十二月

辛秘中岳題記 元和十二年閏五月

卷第七 唐七

尼韋契義墓誌銘 元和十三年七月

宮闈令西門珍墓誌銘 元和十三年七月

太子洗馬崔載墓誌銘 元和十四年十一月

韋端固堂誌 元和十五年五月

南海廣利王廟碑 元和十五年十月

韓退之書白鸚鵡賦

司馬宗夫人孫氏墓誌銘 元和十五年十一月

七星巖李紳題名 寶曆元年二月

王化清石室記 寶曆元年九月

李渤南溪詩刻 寶曆二年三月

李涉元巖銘

坐念論 大和三年七月

兵曹鄭準墓誌 大和四年八月

習空和上塔銘 大和七年八月

同兵參軍杜行方墓誌銘 大和七年十一月

楚兵參軍劉峯墓誌銘 大和八年十一月

鄭覃進石經狀 開成二年十月

趙夫人夏侯氏墓誌銘 開成五年十一月

卷第十一 唐八

僧文鑒等經幢 會昌二年九月

楚州使院石柱題名 會昌三年九月

魏夫人趙氏墓誌銘 會昌五年十一月

温佶神道碑 會昌年

三天洞蘇道宗題記 大中元年

王宰記石 大中三年二月

內侍王守琦墓誌銘 大中四年正月

岳林寺塔記 大中五年

閻氏萬夫人墓誌 大中六年十二月

賜白雲先生書詩並禁山勅碑 大中八年四月

百巖寺修法堂記 大中八年十月

法隆寺經幢 大中十一年十一月

藥師象讚 咸通二年九月

長史程修己墓誌銘 咸通四年四月

徐功參軍劉仕備墓誌銘 咸通八年正月

盧夫人崔氏墓誌銘 咸通八年二月

高壁鎮通濟橋記 咸通十三年四月

錄事趙虔章墓誌銘 乾符三年九月

卷弟十二 唐九 南漢 後梁 後唐 北漢 後漢 後周 吳

開元寺隴西公經幢讚 廣明二年四月

董昌生祠記 景福元年十二月

山居洞杜鵑詩刻 乾甯元年

韋君靖建永昌寨記 乾甯二年十二月

肇慶府乾甯鍾款 乾甯四年九月

佛遺教經殘字

裴行純造象銘

千佛寺殘碑

清泉院鍾款 開平五年六月

檢校太子賓客王彥回墓誌銘 乾化五年閏二月

修南溪池亭及九龍廟碑 貞明三年三月

少林寺行鈞塔銘 同光四年二月

潁州開元寺鍾銘 長興三年十一月

父母恩重經碑 乾祐三年

大雲寺修壁龕記 廣順三年十月

勅留啟母廟記 顯德五年七月

栖巖寺修舍利殿記 顯德六年九月

尋陽長公主墓誌銘 乾貞三年三月

黃蓮山鍾款 大寶二年七月

開宴石山記 大寶二年九月

錢武肅王開慈雲嶺記 寶大元年六月

投告太湖龍簡文 寶正三年三月

中郎將石映墓誌銘 天會八年四月

卷第十三 宋一

同州修文宣王廟碑 乾德二年九月

夢英十八體篆書并贈詩 乾德五年

修周康王廟碑 開寶六年二月

重書龍池石塊記 開寶六年四月

修唐憲宗廟碑 開寶六年五月

勅修南海廟碑 開寶六年十月并陰

倉公碑 開寶八年十二月

法門寺浴室院靈異記 太平興國三年四月

廣慈禪院修瑞象記 雍熙二年三月

重修北嶽廟碑 淳化二年八月

廣慈禪院莊地碑 淳化三年六月

巡撫使呂文仲殿直崔承業題名 淳化四年正月

修彌勒象閣記 至道三年九月

說文偏旁字源并序及郭忠恕答書 咸平二年六月

法性寺鍾款 咸平四年九月

臥龍寺鍾款 咸平六年二月

重真寺田莊記 咸平六年

卷第十四 宋二

亭亭山廟勅并祭告文 大中祥符元年十一月

承天觀碑 大中祥符二年二月

忠國師多心經序 大中祥符二年四月

賜汾陰后土廟號泰甯宮牒 大中祥符四年三月

元聖文宣王贊并加號詔 大中祥符五年八月

西京白馬寺牒 天禧五年

龍門山丁裕等題名 天聖四年三月

七星巖題名九段 起天聖六年訖嘉熙元年

甯參白水縣齋十詠 天聖六年十一月

修白水縣獄記 天聖六年十一月

重刻中書令張九齡碑 天聖八年

逍遙栖禪寺水磨記 天聖八年八月

草堂寺石刻三段 起景祐二年訖政和元年

云亭里石氏墓表 康定二年八月

封洪聖廣利王牒 慶曆二年二月

保甯寺牒並帖 慶曆三年五月

法門寺修九子母記 慶曆五年閏五月

重刻扶風夫子廟碑 慶曆八年

傅求等釋奠題名 皇祐二年正月

韶州永通監碑 皇祐三年十月

南海廟韓碑陰題名四段 起皇祐二年訖端平三年

南海廟開寶碑陰題名三段 起皇祐三年訖熙甯七年

平蠻三將題名 皇祐五年四月

嵩臺石室記 皇祐五年五月

卷第十五 宋三

惠州野吏亭詩刻 至和元年十月

晉祠銘碑陰碑側題名十二段 起至和二年訖政和五年

靈巖寺題刻五段 起至和三年訖紹定三年

藥水巖刻石三段 起至和三年訖嘉定十六年

封濟民侯牒 嘉祐二年三月

白雲巖陳偁等題名 嘉祐二年七月

彥脩書刻題後 嘉祐三年十月

李師中宋頌 嘉祐七年六月

重刻醉翁亭記 嘉祐七年十月

李師中龍隱巖詩 嘉祐七年十一月

李奎太史公廟詩 治平元年閏五月

泐波巖題名十八段 起治平二年訖景定元年

九曜石宋人題刻廿二段 起治平三年訖咸淳元年

靈慶祠鄭惟幾等題記 治平三年八月

鄧中立修南海廟碑 治平四年十月

康衛陳懌石室詩刻 熙寧二年三月

三天洞包廓等題記 熙寧三年九月

李忠信墓表 熙寧五年八月

祭武襄公狄青文并序 熙寧六年十一月

卷第十六 宋四

程師孟祠南海神記 熙寧七年正月

張百藥等題名 熙寧八年四月

鄭仲賢緱山詩刻 熙寧九年七月

杜子美白水詩刻 熙寧九年九月

問答孫韓二真人仙容詩 熙寧九年九月

廣州天慶觀鍾款 元豐二年二月

謁太史公冢祠記 元豐三年三月

醴泉銘碑側題名三段 元豐

天和寺詩刻并記 元豐六年六月

司馬文正公神道碑 元祐二年正月

蔣之奇武溪深詩刻 元祐三年正月

白雲巖譚粹等題名 元祐三年二月

白龍洞題記題名二段 元祐四年 訖 紹聖二年

郭祥正題名并石室游詩 元祐四年二月

介神廟詩刻 元祐四年三月

渾王祠詩并記 元祐四年九月

蘇子瞻懷子由詩 元祐五年

過九成宮詩 元祐五年十二月

阿育王寺宸奎閣碑 元祐六年正月

壽陽縣修學記 元祐七年二月

趙懿簡公神道碑 元祐七年五月

蘇子瞻蜀岡詩刻 元祐七年

阿房宮賦後序 元祐八年六月

重修周公廟賦 元祐八年十二月

蘇子瞻詩賦并帖 元祐九年二月

耀州修州學記 元祐九年三月

溫泉題名八段 起元祐九年訖紹興廿五年

昭仁寺碑陰曹調鼎題記 紹聖元年八月

錢景允祈雨玉華宮記 紹聖二年五月

蘇子瞻雪堂詞刻 紹聖二年九月

永嘉禪師證道歌 紹聖三年

資福寺羅漢閣殘碑

草堂寺王正臣等題名 元符二年五月

程懿叔遇雪詩 元符三年十月

期思遺愛廟詩 建中靖國元年九月

黃魯直青原山詩 建中靖國元年十二月

卷第十七 宋五

龍隱巖石刻十一段 起建中靖國元年訖成治十年

桂林湘南樓記 崇甯元年四月

唐李長者通元行蹟記 崇甯元年七月

方山昭化寺帖 崇甯二年九月

石夷吾等樓觀題名 崇甯二年十二月

建安王公詩 崇甯五年三月

孔聖手植檜贊

富丞相登大像閣詩 大觀元年正月

孫敏行等題記 大觀元年三月

顯慶祠董宗師等題記 大觀元年四月

章吉老墓表 大觀元年五月

八行八刑條碑二種 大觀元年

運使中奉七星巖詩刻 大觀三年

崇福宮張杲題名 大觀四年十二月

思武堂記 大觀四年

昭化寺政禪師行狀 政和三年

重修五仙祠記 政和四年十月

鼓山宋人題刻十五段 起政和五年訖清祐九年

濟瀆廟祖天符告 政和六年九月

徽宗訓士詔 政和八年十月

湯顯謨胡仲文詩刻

仙樂雲篆記 宣和元年七月

昭化李長者龕記 宣和二年七月

方山寺張商英手札

清暉閣題記 宣和三年七月

華嚴經藏發願文 宣和三年十月

戒石銘并詔 紹興二年七月

讀書巖孫覲題記 紹興四年十月

江陰軍乾明院羅漢尊號石刻 紹興四年十二月

壘采山題名二段 起紹興五年訖淳熙五年

王景道妻賈氏墓誌銘 紹興六年十月

九斗洞篆書題刻 紹興十三年

卷第十八 宋六

高宗真草孝經

六侯事蹟記 紹興十五年五月

重刻李靖上西嶽書 紹興十六年七月

王佐榜進士題名碑 紹興十八年

李渤留別南溪詩 紹興二十年六月

玩珠巖任續等詩刻 紹興廿四年七月

六經圖刻

劉仲遠象贊 乾道元年九月

陳豐南海廟記 乾道元年十月

水月洞石刻六段 起乾道二年訖慶元三年

南華寺方響款識 乾道三年十一月

卷弟十九 宋七

桂林鹿鳴燕詩 清熙元年九月

棲霞洞范成大題記二段 清熙

修虞帝廟碑 清熙三年四月

周孝侯廟斬蛟射虎碑 清熙四年六月

張敬夫招隱題記 清熙五年六月

儀制令石刻 清熙八年

宗室不沴墓誌 清熙九年二月

廣州贍學田記 清熙十一年正月

彈子巖石刻三段 清熙

太平州瑞麻贊 清熙十六年

遠珠洞朱晞顏詩刻 紹熙五年五月

朱希顏石木詩刻 慶元元年十月

石門章邵等題名 慶元二年

南海英護廟額牒 慶元四年五月

修廣福寺記 嘉泰三年十月

廣州學額管田數地基碑 嘉定二年三月

太守安丙題名二段 嘉定二年

韶音洞方信孺詩刻 嘉定八年二月

石堂歌 嘉定八年二月

米芾畫像贊 嘉定八年八月

蘇子瞻浴日亭詩刻 嘉定十四年

休甯修縣學碑

嘉定十六年七月

曾噩南海廟記碑

寶慶元年七月

虞剛簡詩刻

寶慶二年三月

修天慶觀碑

寶慶二年三月

忠清粹德碑

紹定三年三月

建安社稷壇記

中隱山題刻二段

起端平三年訖淳祐元年

鞏嶠增修學廩記

嘉熙元年

還珠洞曾宏正等詩刻

府判廳石刻

寶祐三年九月

諭朱廣用勅并表記

開慶元年二月

劉仙巖任忠益等題記

景定五年

七星巖蘇良詩刻

咸淳元年

大鑿禪師殿記

咸淳五年十一月

卷弟廿

遼

西夏

金

憫忠寺劉贊經幢記

應祿七年六月

憫忠寺紫褐師德大眾等捐施題名

重修感通塔碑

天祐民安五年正月

仙游觀永陽園詩記

皇統四年正月

重刻朗然子詩

天德二年正月

義井寺崇遠塔銘

貞元三年六月

通惠院彥戒師塔銘

正隆三年十月

重立泰甯宮碑

正隆四年十月

壽禪師修明月山清風庵記

大定二年五月

王雷謁無盡居士祠堂詩

大定三年八月

開法寺永重壽塔銘

大定四年七月

蓮峰真逸題名

大定四年七月

修昭化院記

大定五年六月

僧德誠塔銘

大定五年八月

開元寺觀音院記

大定六年九月

廣濟寺牒

大定七年八月

修白馬寺舍利塔記

大定十五年五月

洪濟禪院牒

大定十五年六月

大明禪院碑

大定十六年九月

崑崙山白骨圖詩并記

大定二十三年

張仲偉墓表

大定廿六年三月

龍泉寺政言塔銘

大定廿八年六月

京兆府提學所帖

明昌五年四月

謁唐太宗廟記

明昌五年十月

謁唐昭陵詩

明昌五年十月

太白山鍾款

明昌五年

修魏徵廟碑

永安三年十二月

重陽子無夢令詞

永安五年九月

老君菴宋雄飛詩刻

泰和元年二月

京兆府學教授題名記 泰和六年三月

圭峰草堂詩 大安元年二月

耀州寶鑑記 大安元年八月

法門寺真身寶塔詩 大安二年七月

趙秉文法語刻 大安二年十月

老君菴孔朝散詩 貞祐二年七月

甯曲社修水記 興定五年十月

重刻枋口白樂天詩 元光元年九月

印公開堂疏 元光二年二月

辯正大師奧公僧錄銘 元光二年十二月

唐太宗贊三藏羅什詩 正大二年十一月

草堂寺趙閑閑詩 正大三年

卷第廿一 高麗

劉仁願紀功碑 唐龍朔元年

新羅國王金法敏碑 唐開耀間

奉德寺鐘銘 唐大曆六年十二月

寶林寺普照塔銘 唐中和四年九月

雙谿寺真鑒碑銘 唐光啓年


聖住寺朗慧塔銘 唐大順元年

無為岬寺徧光塔碑 後晉開運三年五月

石南山寺國師碑後記 後周顯德元年七月

大安寺廣慈禪師碑 後周顯德間

金石續編卷首終



金石續編卷第一

武進陸耀遹纂

太倉陸增祥校訂

漢

成山宮銅渠斗款

神爵四年篆書在陽湖董氏

神爵四年漢宣帝卽位之十六年其明年改元五鳳矣東萊郡有成山太始三年武帝幸琅邪禮日成山神爵間立成山日祠於不夜地理志不夜有成山日祠文選子虛賦張楫注曰成山在東萊掖縣於其上築宮闕此云成山宮殆卽是此蓋立祠時所造也此器本先生所藏而編

中僅列諸目未錄其文殆忽於易耳繼爲董方
立索去嗣歸呂氏迨經兵燹呂氏所蓄蕩然無
存卽非灰燼亦儕瓦礫矣噫以數千年之故物
幸顯於世不久仍晦何其厄也然猶幸爲先生
所得尙存其名於斯編俾後來耆古之士尙可
攷而知之其不幸而爲僨夫所有舉世莫得而
知之雖顯猶晦者正復不知凡幾故凡編中有
目無文者悉仍其名以俟補輯陸增祥志

萊子侯石刻

高一尺五寸廣二尺二寸七行
行五字隸書在山東鄒縣孟廟

始建國天鳳三年二月十三日萊子

侯易支人馬封使恪子食等用百餘
人後子孫毋壞取

嶧山西南廿里曰臥虎山山陽皆土一石直南北臥
山足地勢高平儼然堂基此其西南隅附土者也形
方長上微弓中斷爲二色純青而堅西側近南處瑩
如碧玉之璞面正平不加追琢刻字其上以周尺度
之斷以南餘三尺許方二尺八寸隸七行行五字字
徑二寸五分界以豎格四線圍之外刻粗斜紋二寸
作邊則石盡矣其詞曰始建國天鳳三年二月十三
日萊疑萊子國在今萊州府去此太遠檢漢書亦不
得蓋莽之世官封地名更易紛然當時或不盡
知史不因事不盡見也抑或是他字子侯爲支人爲封使恪
其字作偕

釋備

字疑

子食芋用百宗

二字疑

仙云碑作余非宗

用半角故餘省作余

後子孫母壞敗計三十五字疑者四與曲阜五鳳二

年刻永平鄙君摩崖是一家眷屬蓋未分隸初體也

獨念地非幽僻從古地志金石諸家均未著錄且久

何與殆天以人理滅絕至莽已極尙有此好義敦睦之士足以扶道教而植人紀故愛護闕惜不使霾沒與余既刻誌歲月緣起於石側復詳爲之跋得石後三月顏逢甲書

此石在鄒縣南臥虎山下幾二千季無人知者嘉慶廿二年黻日士人孫生容王輔仲見之與滕縣孝廉

顏君逢甲送入孟廟考始建國天鳳二年係新王莽僭位之八年其稱天鳳而冠以始建國猶韃續載王莽侯鉦云始建國地皇上戊也其稱爲封者蓋封樹之封猶禮稱三斬板而已封及史載建武祀泰山使奉車子侯爲封封高一丈二尺之類顏君以爲封田贍族者非也百余人者用百餘人工築此封顏君釋爲宗人亦非惟萊子侯不可考或以萊州爲古萊子國或以爲葉子侯葉字之泐俱無所據王莽時封濫有貧而爲傭者史固不勝載而碑字又恍惚難憑闕之可耳其僭字亦不甚了了總之此石雖非後人爲刻亦係當時野制無深長意趣因近時新出姑縮刻

於西漢之末

馮雲鵬雲
鵠金石索

右石刻以建初尺度之高尺許廣尺一寸八分書七
行行五字行間有粗豎文作界字徑二寸許嘉慶庚
辰秋四明沈栗仲明府道竟來官湘南以搨本贈予
云近始出土栗仲時館山左因得椎拓數本攷周禮
家人以爵等爲邛封之度鄭注別尊卑也王公曰邛
諸臣曰封禮記檀弓於是封之崇四尺鄭注聚土曰
封又我見封之若堂者矣鄭注築土爲壘形四方而
高又樂記封比干之墓鄭注積土爲封又按儀禮既
夕禮乃窆鄭注云窆下棺也今文窆爲封禮記檀弓
縣棺而封鄭注封當爲窆窆下棺也說文崩下云禮

記謂之封周官謂之窆易繫辭葬之中野不封不樹
虞翻注穿土稱封封古窆字也廣雅封冢也又案萊
乃萊之隸變禹貢萊夷作牧孔傳萊夷地名春秋襄
公二年左氏傳齊侯使諸姜宗婦來送葬召萊子不
會故晏弱城東陽以偪之杜氏注東陽齊竟上邑正
義云世族譜不知萊國之姓齊侯召萊子者不爲其
姓姜也以其比鄰蔑之故召又宣公七年穀梁傳公
會齊侯伐萊范注萊國名國語齊語萊莒章注萊今
東萊又案孟子若伊尹萊朱趙岐章句萊朱湯賢臣
卽仲虺也春秋文公二年左氏傳晉與秦戰於殽萊
駒爲右又哀公廿四年傳有萊章杜注萊章齊大夫

是萊爲古姓本國名而正在齊地乃以國爲氏也此
刻所云美子侯當是萊姓名子侯其下一字當是爲
而支人之支据許氏說文大字當从十从又作支支
字當从巾从又作支然隸書變支爲丈變支爲支此
刻支字不當讀爲丈人下一字乃象之變體漢郭君
碑豫字作譙其右旁正與此刻形相似玉篇作爲以
爲古文象字蓋支乃其人之姓人象則其名也莊子
有支離益廣韻支下云漢複姓又晉時有高僧支遁
後漢錄有司空支雄何氏姓苑云支氏琅邪人偕子
食當亦是人姓名偕疑儲之省文廣韻云儲姓後漢
有儲太伯子攷後漢書鮑永傳光武卽位遣諫議大

夫儲大伯持節徵永章懷注引風俗通曰儲姓齊大
夫儲子之後也而漢書王莽傳有上谷儲夏正在其
時蓋萊子侯使偕子食等用百余人爲支人象封其
冢而刻石以戒其子孫者也餘古省作余周禮地官
委人凡其余聚以待頒賜漢吳仲山碑父有余財皆
以余爲餘攷漢書王莽傳莽於居攝三年十一月改
初始元年篡位改定有天下號曰新以十二月癸酉
爲建國元年正月之朔至五年又改明年爲天鳳元
年以改元更號而論旣稱天鳳不當復稱始建國然
莽傳前言莽先建元初始後改元建國不云始建國
而於後言建國元年正月上仍係以始字則於始建

國六年所謂改元天鳳者當是增天鳳二字於始建國之下故此刻稱始建國天鳳三年耳据此可以證史家紀載之失實葉石林避暑錄話云韓丞相王汝家藏銅科銘稱始建國天鳳上戊六年据漢書莽改始建國六年爲天鳳元年而不言其因今天鳳上猶冒始建國蓋通爲一稱未嘗去舊號上戊莽所作匾名也又洪氏隸釋跋蜀郡太守何君閣道碑有建武中元二年之文云紹興中郭浩知金州田夫耕得一鉦其銘云新始建國地皇上戊二年今此刻但無上戊二字正可與葉洪二君所言互相證明此刻結體秀勁古茂在上谷府卿祝其卿二墳壇石刻之上尙

是西漢文字可寶也

隴中洛古泉山館金石文編

顏東田孝廉逢甲滕人篤誨好古丁丑秋攜友道臥虎山下踞石小憩其端整似經匠手落蘚從橫仿佛文字遂汲泉洗濯搨以故紙點畫畢見時先君子司鐸其懸顏以初搨本見詒且手跋其尾辨論甚精余見近人金石索一書縮刻於西漢之末本來面目十無一二矣而其跋識鄙爲野制無深長意趣不知原刻正以朴拙倍見古情今人無事不勝古人惟朴拙萬不可及而以爲譏何與又案所云爲封與史載建武祀泰山使奉車子侯同義不知何由目爲野制循環首尾味其文義封田贍族說無可疑石索以封爲

封禪之封季氏旅於泰山孔子歎之子侯人臣何敢
妄議封禪且章章勒石邪封土對石非大工動眾不
用百餘人百餘人連下成文卽上所云支人也言凡
我本支百餘人其後嗣子孫庶幾永保此所封之田
毋壞敗也卽古鍾鼎彝器子孫永寶用之類也文義
明白若此猶復疑義百出異哉道光丙戌初秋諸城
王金策題

兩漢隸法傳於世者以五鳳磚刻爲最古五鳳磚在
曲阜孔林此刻今置鄒縣孟廟斷珪零璧數千百年
後得託聖賢林廟以永其傳亦盛事也薛尙功鍾鼎
款識載有漢注水匜阮芸臺尙書積古齋鍾鼎彝器

款識載有新莽銅權二皆作於始建國元年薛以始
建國爲初始改元之明年阮謂卽初始元年之十二
月此刻稱天鳳三年則在莽卽位之八年矣不應復
以舊號冠首竊疑莽自立時尙未建年號姑以始建
國紀年故改元後時人猶以此加於年號之上非重
紀也顏跋所釋萊字攷漢書各表雖無萊子侯之封
而其文則爲萊字無疑也惟封使下一字顏釋備字
岫仙疑之其字當是貸之省文漢至北朝人書貳作
貳亦省貝爲日漢吳仲山碑書貸作儼亦增代爲伐
可證其云貸子食等用者謂以所得封田貸於族眾
也百余人之余岫仙以爲餘字省文其說是矣

黃本
驥跋

案萊子侯刻石文云始建國天鳳三年二月十三日萊子侯爲支人爲封使偕子會等用百余人後子孫毋壞取凡三十五字漢書王子侯表孝武以諸侯王置土過制或替差失軌而子弟爲匹夫輕重不相準詔諸侯王欲推私恩分子弟邑者令各條上定其號名自是支庶畢侯師古曰侯所食邑皆書其郡縣於下其有不書者史失之此萊子侯乃王子侯之食邑于萊者足補班史所闕但未審其次繫爲何王之後耳又後漢陽城恭王傳莽篡立劉氏爲侯者皆降稱子子侯之稱或卽莽制與莽以初始元年十二月爲始建國元年五年改元

天鳳天鳳六年改元地皇此稱始建國天鳳三年者洪氏隸釋云莽漢之際習俗相尚以卽位初元冠于新阨之上所載銅科銘云新始建國天鳳上戊六年候鉦銘云新始建國地皇上戊二年與此相類如光武建元建武改元中元而蜀郡太守何君閣道碑及范書祭祀志東夷傳皆有建武中元之文亦此例也支人言族人也聚土曰封周禮大司徒制其地域而溝封之注封起土界也土在溝上謂之封偕子疑卽諸子食其名余與餘同吳仲山碑父有余財亦作余江潘釋美作美偕作者後作役洪頤釋偕作儲皆未審

案馮氏石索釋食作良亦各自爲說耳陸增祥志

會稽冢地刻石

摩崖高三尺廣五尺五行行四字額高二尺廣一尺題大吉二字並隸書在浙江會稽縣東南烏石村

大吉

昆弟六人共買山地建初元年

冢地直三萬錢

案石刻凡廿二字文曰昆弟六人共買山地建初元年造此冢地直三萬錢又於上方題大吉二字建初元年後漢章帝嗣位之始年也迄今道光三年凡千七百四十八年縣人杜孝廉煦偕弟春生訪得之于與南海吳布政榮光仁和趙明經魏題

名山下其地土名跳山即烏石山也造此之造趙

杜釋作住錢唐何元錫釋作作臨海洪州判顧焯

釋作造云造即造字省口予合數搨本辨之造字

甚顯洪說無疑冢地之冢趙釋作眾亦誤冢作冢

與隸續所載延熹五年真道冢地碑正同杜春生

字禾子集會稽山陰金石作越中金石記云是刻

土人傳爲錢武肅王微時販鹽官軍捕之逃避此

山而免因於石壁書大吉字明人据入邑志不知

大吉下尙有二十字也予親剔落鮮寸許其文始

見金石家從未著錄即嘉泰以來纂郡邑志者亦

所未覩乃知大吉二字爲冢地言後人偶有見錢

字者因傳會為武肅矣洪頤煊平津讀碑記云漢人造作必記其所直之數如武氏石闕銘造此石闕直錢十五萬作師子直四萬蓋其風俗然也

李昭碑

袁本高廣行字無攸字徑三寸額題漢故李君之碑六字字徑四寸並篆書藏陽湖趙氏

君諱昭字伯明其先闕富波君闕忠孝企仁行稽實體

彌隆闕帝曰掾叟召見嘉其忠孝闕琴艸中蹇雒陽

長叟換槿為闕顛鑠其德于我李君其德闕元初五季

三月三日奉闕勒

案李昭碑袁本十四番題額三行行二字碑文廿四行行三字可辨者六十三字如其數錄之文既

殘闕袁褫亦有失次此與中平二年王知殘碑合

為一册陽湖趙氏味辛齋所藏錢詹事大昕識其

後云槿為之槿从木與何君閣道碑文同說文無

槿字大徐新附有之不足据也彌本从長而漢隸

多作弓有如此篆書亦从弓蓋漢時別體許祭酒不

能盡收耳雒陽長史漢志未載此官豈偶置而旋

罷與洪編修亮吉記曰碑言其先富波富波永元

中復距此止二十年案和帝嗣位改元永元歲在

已丑元初五年為安帝在位之十二年戊午歲也

原本以正書錄之未見搨本姑仍其舊後王知

殘碑同陸增祥志

穎川太守太室題名

延光四年三月篆書

右刻在太室闕額下磨泐已甚十不存一可辨者惟延光四年三月及孔子大聖穎川太守楊十數字耳不錄錢氏潛研堂目作穎州誤陸增祥志

右扶風丞李君通閣道記

高二尺三寸廣一尺六寸隸書七行行十字至十三字不等在陝西棗城縣石門西壁

右扶風丞韃為武陽李君諱禹

字季杰以永壽元年中始解

大臺政由其興安平之

蒙萬民懼喜行人蒙福君故授

益州從事月舉孝廉尚符璽郎

巴郡胸忍令換漢中成固令遷宜

禾都尉

右殘刻存六行零三字餘不可曉每行字數不等剝落殊甚故同在褒谷而歐趙洪婁諸家俱未採錄味其語意解大臺由卑下賈民懼喜行人蒙福蓋亦去險就夷以便于民故為之刻石紀功如開通褒斜橋格及石門頌之類不可沒也乃何佛臨摹存其大概李君字季士諱雷雷不可識必有闕悞處有以為禹字者殊不相似未敢定也苻字拈字亦不可辨姑存之宜禾都尉之名它處亦未見石索

案後漢右扶風丞武陽李君摩崖記刻石門西壁石門二大字之南自來金石家皆未著錄嘉慶中安康縣知縣諸城王君森文搜剔得之搨以寄示海內流傳始此嘗以王氏搨本與仁和趙氏璠元和顧氏千里南海吳氏榮光藏本參之可辨者七十二字雖末行都尉下漫漶不能卒讀而李君姓名爵里固已粲然其稱永壽元年者追紀李君歷官之年非卽刻石之年也漢書百官公卿表右扶風治內史右地與左馮翊京兆尹爲三輔皆有兩丞右扶風二千石丞六百石後漢百官志中興都雒陽河南郡爲尹以三輔陵廟所在不改其號但

減其秩又少府屬有尙符璽郎中四人書作璽石刻作璽與張納功德敘璽書封都亭侯同郡國志武陽屬犍爲郡書作犍石刻作犍與楊君石門頌馮緄碑並同胸忍屬巴郡成固屬漢中郡宜禾都尉屬敦煌郡廣至縣治昆侖障西域傳明帝永平十六年征匈奴取伊吾盧地置宜禾都尉以屯田遂通西域此記刻於桓帝永壽之後置宜禾都尉已八十餘年李君歷官巴益漢中蓋嘗修治孔道故云行人蒙福紀其治蹟足以媲美鄱陽王君愛古表章漢刻亦晏南鄭之流也

馮氏石索縮摹此刻禹作雷興安作卑下平下

缺之字萬作賈授益州三字皆缺符作書下缺
璽郎二字換作柄中下作固下缺二字呂余所
得搨本校之禹字不誤平下之字尙可辨萬字
不誤授益州及符璽字均不可見而郎字則尙
存也合遷二字均可約辨而固上似僅一字也

曼患難定悉仍其舊

陸增祥志

堂谿典崇高廟請雨銘

刻開母廟石闕弟三層隸書每行五字前後並剝蝕舊搨本可辨者十六行今存銘文後八行在河南登封縣

□時□五官中郎將隲陵堂谿典伯
并熹平四年來請雨崇高廟典大君

諱協字季度自為郡王薄忙闕銘文
後舉孝廉西鄂長阜終叙曰於惟我
君明允廣淵學兼游夏德配臧文歿
而不朽實有立言其言惟何後闕

案銘刻前後剝落惟銘文以下至其言惟凡八行
共四十字明晰可辨前八行則就吳玉搢金石存
錄入伯并二字本趙氏金石錄足之非全文也後
漢靈帝紀熹平五年四月復崇高山名為嵩高山
注前書武帝祠中岳改嵩高為崇高東觀記曰使
中郎將堂谿典請雨因上言改之名為嵩高山改
名在五年請雨在四年故尙稱崇高廟也典大君

諱協字季度為郡主簿作闕銘文後舉孝廉西鄂長早終熹平四年典來請雨重勒此銘後漢延篤傳少從穎川唐谿典受左氏傳注引先賢行述曰典字季度為西鄂長風俗通曰吳夫槩王奔楚封唐谿因以為氏典為五官中郎將唐與堂同以典與季度合為一人乃先賢行述之誤季度名協為西鄂長典字伯并為五官中郎將是刻可證也西鄂後漢屬荊州南陽郡風俗通本春秋左氏傳傳作堂谿應氏引作唐谿姓纂作棠谿十一唐引左傳吳王闔閭弟夫槩王奔楚為棠谿氏漢書棠谿惠治公羊又五官中郎將棠谿典字皆作棠今本

左傳作堂漢書作唐不知姓纂所据何本漢書地理志僑陵後漢郡國志作隰陵並穎川郡

自為二字及末行何字据石索補入崇高石索

作嵩高誤請雨時未復故名也牛氏金石圖題

為季度銘者未見前五行也典作興鄂作郢早

作卑誤也大君父也金石記引鄭固碑云七歲

而天大君夫人所共哀也是也隰陵左氏傳作

鄢許氏說文亦作鄢左氏莊廿八年傳釋文引

字林鄢作隰鄢正字僑借字隰通用字从邑从

阜之字互用者甚多也堂與唐同史記魏世家

倉唐漢書古今人表作堂淮南子唐牙莫之鼓

也注云唐猶堂皆其證也堂與棠亦通廣韻棠字注吳王闔閭弟夫漑奔楚爲棠谿氏又堂字注引風俗通堂楚邑大夫五尙爲之其後氏焉案卽昭二十年棠君尙也楚辭棠谿注利劒也廣雅作堂谿史記齊世家索隱引管子棠巫今本作堂詩有紀有堂白帖引作有杞有棠皆其證也又案列子而遊于棠行注云棠當作塘塘古只作唐大徐新附始有之是唐亦可作棠也

陸增祥志

王知殘碑

裴本高廣行字無攷字徑三寸餘額題漢故王君之碑六字字徑四寸餘並篆書藏陽湖趙氏

府君諱知闕而清咏闕韞太守王

陽令知闕政之風洵世德矣中平二年作文銘口勒碑

已便垂口不闕

案王知殘碑存四十有一字與元初五年李昭碑

合冊爲趙先生懷玉所藏相傳乾隆初出於寶雞

縣田間褚千峯搨數紙再訪則石存而文已剝去

中平二年爲漢靈帝在位之十八年王君無攷郡

太守王陽後漢書無傳亦不詳何人也

仙人唐公昉碑陰

前碑高廣已見萃編碑陰十五行行九字至十二字不等隸書在陝西固縣

故江陽守長成固楊晏字平仲

東部督郵成固左小字元術

故江陽守長南鄭楊銀字伯慎

冢士南鄭祝龜字元靈

司徒掾南鄭祝楊字孔達

冢士南鄭祝岱字子舉

故益州從事南鄭祝忱字子文

冢士南鄭祝恒字仲舉

冢士南鄭祝朗字德靈

冢士南鄭祝崇字季舉

太守史南鄭祝榮字文舉

太守史南鄭趙英字彥才

冢士南鄭劉通字海口

故襄中守尉南鄭趙忠字元楚

口口南鄭楊鳳字孔鸞

案仙人唐公房碑陰題名十五人成固二南鄭十

三其員職有江陽守長東部督郵司徒掾益州從

事太守史襄中守尉之屬無員職者稱處士蓋即

前碑所云羣義是也唐公房碑萃編已錄碑載公

房以王莽居攝時得道舉家俱濟歷世莫紀後云

漢中太守南陽郭君諱芝字公載躬損俸錢倡率

羣義繕廣斯廟又云刻石昭音揚君靈譽是其繕

廟刻石皆當後漢繕廟者為郭芝倡義而刻石不

著撰書之人固卽碑陰題名之羣義爲郭君揚譽
矣洪氏以碑爲郭芝所立殊未審也集古錄云郭
芝爲公昉脩廟記漢書地理志漢中郡縣有南鄭
褒中成固鞏爲郡縣有江陽並益州所部後漢郡
國志同百官志諸州皆有從事史益州十二每郡
皆置諸曹掾史其監屬縣有五部督郵每縣邑道
大者置令一人千石次者置長四百石小者置長
三百石縣萬戶以上爲令不滿爲長丞各一人尉
大縣二人小縣一人各署諸曹掾史與此碑所書
員職並合督郡卽督郵隸省作郡或作郡北海相
景君碑陰中部督郡韓勅碑陰故督郡魯开輝故

督郡魯趙輝叟壽碑陰故督郡陳璋公故督郡叟
剝生衡方碑化速郡置字並作郡可以互證此碑
連額高八尺餘額去三分之一有穿碑陰之額別
有隸書五行刻於穿右剝落尤甚諦觀搨本惟提
點等字可辨蓋後人題記故洪氏未錄
吳

九真太守谷朗碑

碑高三尺五寸廣二尺四寸五分八行行廿四字
額高一尺七寸一行題吳故九真太守谷府君之碑
十一字並隸書字徑
寸許在湖南耒陽縣

府君諱朗字義先桂陽耒陽人豫章
府君出曾孫公府君出孫郎中君出

子也其先出自顓頊益爲舜虞賜姓
嬴氏至于靡子封於秦谷因而氏焉
君承洪原出清流稟弈世出高素履
道思順德行純備三歲喪母十一亡
父獨與弟居承奉繼親和顏悅色孝
次温恭曾閱世操君其蹈焉弱冠仕
郡歷右職守陽安長泚問宣涿遂外
王府除郎中尚書令史郡中正遷長
沙劉陽令播渥惠以育物垂仁恩以
希化莅政末期徵拜立忠都尉尚書
郎靖密樞機名冠衆僚遷部廣州督

軍校尉正身率下不畏彊禦深清蕩

濁萬里肅

齊

功成辭退拜五官郎中

遷大中正平衡清格彝倫攸敘于昔

交州竊色叛國戎車婁駕于戈未戢

帝思俾乂訓咨羣司僉以君任部南

州威息素著遷九真太守君稟明德

所歷垂勳宜延遐紀光讚皇家如何

不永春秋五十有四鳳皇元年四月

乙未寢疾而卒嗚呼哀哉凡百君子

莫不嗟痛乃立碑作頌以顯行績其

詞曰

於鑠府君稟性玄通積行閨闕九族
睦靡羽儀上京德與雲騰入蹈丹墀
夙夜靖恭出撫黎民風移俗興名采
豹產勲齊往縱當永黃耆翼佐帝庸
昊天不弔哲人其終濟濟縉紳靡瞻
靡宗勒茲玄石永光無窮

右谷朗者事吳爲九真太守碑無書撰人名氏其序
云府君諱朗字義先桂陽耒陽人豫章府君之曾孫
公府君之孫郎中君之子也其先出自顓頊益爲舜
虞賜姓嬴氏至于扉子封於秦谷因而氏焉谷氏在
吳不顯史傳無所見所謂豫章府君而下三世皆莫

知其名字案秦本紀非子邑於秦而此與朗子永

侯相碑皆爲扉子莫詳其義也

集古錄跋

隸書不著書撰人名氏朗字義先桂陽耒陽人仕至
九真太守歸命侯鳳皇元年四月卒年三十四碑在

耒陽縣

集古錄目

第二百八十四吳九真太守谷府君碑孫皓鳳皇元

年

金石錄目

在耒陽縣不注人氏但云鳳皇元年立

輿地碑目

右九真太守谷朗碑吳鳳皇元年立在衡州府耒陽
縣此碑首見歐公集古錄跋趙氏金石錄有目而無
跋耒陽漢屬桂陽郡碑敘谷君歷官初仕郡歷右職

守陽安長升王府除郎中尚書令史郡中正遷劉陽
令徵拜立忠都尉尚書郎遷部廣州督軍校尉拜五
官郎中遷大中正又遷九真太守鳳皇元年四月卒
攷鳳皇元年乃歸命侯孫皓在位之九年也九真太
守置自漢武帝元鼎六年後漢隸交州刺史部吳仍
之碑云于昔交州竊邑叛國戎車婁駕于戈未戢帝
思俾乂訓咨羣司僉以君任部南州威恩素著遷九
真太守攷吳志孫亮永安六年五月交阯郡吏呂興
等反殺太守孫諸遣使如魏請太守及兵七年分交
州置廣州孫皓元興元年魏置交阯太守之郡寶鼎
元年遣交阯刺史劉俊前部督修則等入擊交阯爲

晉將毛昺等所破皆死兵散還合浦建衡元年十一
月遣監軍虞汜等就合浦擊交阯禽殺晉所置守將
九真日南皆還屬朗爲九真太守當在是時卽鳳皇
元年之前一年也碑敘其先出自顓頊益爲舜虞賜
姓嬴氏與史記秦本紀略同惟云扉子封於秦谷因
而氏焉本紀並無其文攷漢書地理志云非子周孝
王養馬汧渭之間孝王曰昔伯益知禽獸子孫不絕
廼封爲附庸邑之於秦今隴西秦亭秦谷是也又鄭
康成毛詩秦風譜與地理志略同皆不云以谷爲氏
惟秦本紀云大費生子二人一曰太廉實鳥谷氏一
曰若木實費氏益或卽鳥谷氏之後案秦本紀太廉

尚在非子之前與碑亦不合而漢書谷永傳言長安人碑又未及其人益爲舜虞見虞書漢書古今人表地理志及列子皆作伯益秦本紀毛詩譜皆作柏翳小司馬索隱作伯翳云尚書謂之伯益伯柏古字通翳益聲之轉耳扉子班馬二史並作非子惟路史後紀注與碑同扉從非得聲古書可通用也劉陽今作瀏陽攷吳分臨湘縣地置劉陽三國志潘濬傳及晉書地理志俱與碑同可知水旁爲後人所增疇咨之疇作訓攷說文引虞書作鬲而言部有訓字訓誥也漢魏元丕碑劉寬碑鄭烈碑俱用此字碑銘詞有云名梟豹產者豹謂西門豹產謂鄭子產也漢人習用

此語劉寬碑云口踰產豹魯峻碑云比縱豹產與此同意梟字說文訓羣鳥鳴也从品在木上後人又加口旁作噪非是碑以往縱爲往蹤與漢夏承郭仲奇趙固令魯峻高彪諸碑同攷說文無蹤字古人皆用縱也又流作添見公羊傳黎作梨屢見漢碑皆隸變通用字此碑文詞古雅隸體端勁有法其時去東京未遠尙多漢人遺意當與漢碑同爲墨林寶藏自歐公以後諸家罕有攷跋予曩於外舅潛研堂見舊搨本手錄其文內有數字殘缺比來湘南徧託友朋訪搨未獲昨徐星伯學使按試衡郡回以副本見詒重爲校錄一過并題其後以識之 又案碑舊在縣東

五里又五里為谷府君祠即祀朗者今在縣北杜工部祠內不知何人所移碑文凡十八行行二十四字八分書張應星縣志載其文脫誤甚多賴碑尙在可据以補正之又攷通志畧秦氏注云蜚廉生二子曰惡來其後為秦二曰季騰其後為趙惡來之後五世曰非子初封於秦谷為秦氏秦谷故隴西秦亭是也後徙封平陽復遷岐豐之間又遷於犬邱又遷於雍及櫟陽咸陽皆本於秦谷故號秦焉鄭漁仲所述大略本之漢書地理志但以秦谷為秦氏得姓之始而不知谷氏亦出於此廣韻一書於姓氏郡望載之最詳獨於谷下及烏下均未言之皆可据以補氏族

書之遺者也 又案谷朗碑僻在楚南下邑拓本頗難得予在長沙先承學使徐星伯太史見惠嗣修通志撰金石志廿卷据以錄入逮志書刻成復有友人拓一本相餉始見其有額一行直書吳故九真太守谷府君之碑十一字亦隸書與碑文字體大小相同其式近似漢碑第不作篆書大字耳乃知趙德甫稱為吳九真太守谷府君碑者据其題額書之也碑銘文末下有小正書約五行文皆漫滅僅存數字恐是近代人筆或記其遷碑始末耳

古泉山館金石文編

碑文經後人所剜精采殊損惟額字尙仍其舊
比校之顯然也錢氏臧本殘缺數字今拓本僅

一齊字不可辨集古錄目云年三十四今本頗似五字出自顓頊之出非證以集古錄跋幾誤讀為世皆剗鑿之明證也湖南通志載此文三十作五十闕闕作閨閨往縱作往蹤均誤續修者當据石正之陸增祥志

晉

升平磚文二種

長一尺二寸廣半之上厚三寸末半之磚側隸書一行十字陽文江西南昌縣出土

晉升平元年丰樂安光氏五

案晉穆帝永和十三年歲在丁巳改元升平後漢郡國志青州樂安國樂安縣晉宋並同隋罷郡太

平寰宇記樂安九姓不及光氏集韻光氏田光後秦末子孫避地以光為氏晉有光逸字孟祖樂安人元帝中興為給事中晉書有傳又苻秦時僕射清河光祚通鑑註姓譜燕人田光之後道光四年冬南昌建義倉掘地取土得磚數枚知縣事文海驗其文知為晉人壙隧即為封拵予時在伊爾根覺羅撫部成裕幕府與宋姨弟翔鳳各得一磚

又長一尺一寸廣半之厚一寸五分磚側左方正書一行存十字下方一字並陽文出浙江湖州今藏余家

升平元年十月廿三辛巳口沈

右磚琢研額刻升平元年磚研六字正書研陰刻升平之始實繼永和用磚琢研既琢復磨戾質

六月廿有七日收庵銘季由書凡三十一字艸書
收庵者青州司馬趙先生懷玉退老之室其從子
學轍字季由時守湖州得磚製研因以贈予東晉
穆帝升平元年丁巳至今嘉慶二十三年戊寅凡
一千四百六十一年

前秦

鄭能進修鄧艾祠碑

表本高廣行字不計
正書在陝西蒲城縣

大秦苻氏建元三年歲在丁卯馮翊護軍建威將軍奉
車都尉城安縣侯華山鄭能進字國道聖世鎮南參軍
水衡都尉石安令治書侍御史南軍督都水使者被除

爲護軍甘露四年十二月廿五日到官以地接元朔給
兵二百人軍而吏屬一百五十人統和圍戎鄜城洛川
定陽五部領屠各上郡夫施黑羗白羗高涼西羗盧水
白盧支胡粟特苦水雜戶七千夷類十二種兼統夏陽
治在職六載進無異才履性忠孝事上恪勤夙夜匪懈
以太尉鄧公祠張馮翊所造歲久頽朽因舊修飭故記
之以其年六月左降爲尙書庫部郎護軍司馬奉車都
尉關內侯始平解處安字文聖世水衡令蒲子北掘令
安遠將軍司馬都水參軍被除爲司馬

軍參事北地靈武孟□□廣軍參事和戎鉗耳□□龍
軍門下督和戎鉗耳□世虜軍功曹和戎鉗耳□當世

興軍主簿河西臨晉陽萬世和軍主簿和戎雷夫龍道
藏口軍主簿河西重泉范高延恩軍主簿和戎雷遠子

安軍主簿和戎雷川口光

軍主簿和戎雷口景文軍主簿和戎西羌騎世龍軍錄
事和戎雷顏道口軍錄事和戎嘗陸道口軍錄事和戎
雋蒙琕子言功曹書佐和戎雷陵道進功曹書佐和戎
雋蒙口彦詳

軍參事北地富平楊沈少論軍門下督馮翊朱進超石
軍功曹圍戎益周茂容軍主簿圍戎郝子靈永文軍主
簿圍戎屈口童道詵軍主簿圍戎世永長軍主簿圍
戎雷樹進嬰軍錄事馮翊呂騫帆菰軍錄事圍戎嘗授

比 鈔詳軍功曹書佐圍戎利非口永遠治下部大鉗耳丁

右修鄧太尉祠首題大秦苻氏建元三年歲在丁卯
攷建元之號漢武帝晉康帝劉聰皆嘗稱之此加苻
氏於建元之上意欲別於前代而失紀事之體蓋武
臣不學者所為也碑為馮翊護軍鄭能進修祠而作
先云以甘露四年到官又云在職六載末云以其年
六月左降為尚書庫部郎自甘露四年壬戌至建元
三年丁卯恰是六載吾友吳山夫撰金石存列此碑
於曹魏之世而未見全文但以甘露紀年意之不知
其為苻秦之甘露非魏甘露也碑書膚施為夫施北

屈爲北掘皆以音同假借而題名軍主簿數人字皆
从艸則以去漢未遠間存古法也鄧太尉卽魏之鄧
艾水經注濮陽城南有魏使持節征西將軍太尉方
城侯鄧艾廟尚有艾碑秦建元十二年廣武將軍宛
州刺史關內侯安定彭超立此別是一碑亦見艾之
威德及人久而不忘也艾從艾聲今人讀艾爲兩
音實則一聲之轉古人無甚區別如鼃錯之錯不妨
去入兩讀矣魏志艾始封方城亭侯進封方城鄉侯
又進封鄧侯而水經注但稱方城侯豈以封號與姓
相涉舉舊封以示別與抑史有誤文與潛研堂金石
文跋尾續苻秦石刻傳於今者惟陝西宜君縣之建元四年廣

武將軍口產碑及此耳口產碑王侍郎金石萃編已
載之其首行有建元四年歲在丙辰字武虛谷太令
授堂金石跋据此以駁紀元彙攷作戊辰之非今此
刻在其前一年而稱歲在丁卯則口產碑丙字乃戊
字之誤明矣口產碑有碑陰其題諸官名姓有所謂
酋大王酋大及某部大王某部大者此碑末亦有治
下部大之稱蓋皆其所置官屬之名也又其複姓有
僂蒙者二攷廣韻去聲僂下云西羌複姓有僂蒙氏
又其複姓有鉗耳者三見周保定四年聖母寺像碑
宋刻汝帖亦收有隋鉗耳君碑又有一人稱利非口
永遠者亦似複姓攷聖母寺碑有複姓荔非者三人

又新唐書李光弼傳有裨將荔非元礼蓋荔非即利
非皆羌酋之複姓也趙氏金石錄有方城侯鄧艾碑
不著年代亦不言在何地其跋下注晉時立亦不言
何人此文中則云太尉鄧公祠張馮翊所造碑今在
陝西蒲城縣山陽吳氏金石存既不知碑之所在又
因文中有甘露四年而未審出前之建元三年誤作
三國時魏碑所錄全文又多脫誤外舅潛研堂金石
文跋尾弟四集有此碑之跋攷之甚詳大略本趙德
甫之言古泉山館金石文編

宋

寧州刺史爨龍顏碑

高一丈五寸廣四尺一寸廿四行行四十五字額高二尺八寸上刻兩蟠龍下中穿徑五寸六分左右日月各徑五寸日中刻跋烏月中刻蟾蜍穿上高八寸廣一尺五寸六行行四字題宋故龍驤將軍護鎮蠻校尉寧州刺史印都縣侯襄使君之碑廿四字並正書在雲南陸涼州東南二十里貞元堡

君諱龍顏字仕德建寧同樂縣人其先世則少昊顓頊之玄胄才子祝融之眇胤也清源流而不滯深根固而不傾夏后之盛駿陳五教勲隆九土純化洽于千古仁功播於万祀故乃耀輝西岳霸王郢楚子文詔德於春秋斑朗紹綬於季漢陽九運否蟬蛻河東逍遙中原斑彪剛定漢記斑固述循道訓爰暨漢末菜邑於燕因氏族焉姻婭媾於公族振纓番乎王室迺祖肅魏尚書僕射河南尹位均九例舒翮中朝通運庸蜀流薄南人樹

安九世千柯繁茂萬葉雲興鄉望標於四姓邈冠顯於
上京瑛豪繼體於茲而美祖晉寧建寧二郡太守龍驤
將軍寧州刺史孝龍驤輔國將軍八郡監軍晉寧建寧
二郡太守追謚寧州刺史邛都縣侯金紫累跡朱黻充
庭君承尚書之國孫監軍之令子也容貌瑋於時倫貞
操超於門友溫良沖挹在家必聞本州禮命主簿不就
三辟別駕佐事史正式當朝靖拱端右仁薦顯於朝野
清名扇於遐邇舉義熙十年秀才除郎中相征西鎮選
南蠻府行參軍除試守建寧太守剖符本邦衣錦晝遊
民歌其德士詠其風於是貫伍鄉朝本州司馬長史而
君素懷慷慨志存遠御万里歸闕除散騎侍郎進無佞

容退無愠色忠誠簡於帝心芳風宜於天邑除龍驤將
軍試守晉寧太守輅車越斧金章紫綬棨戟幢幟襲封
邛都縣侯歲在壬申百六邁豐州土擾亂東西二境凶
豎很暴緬成殺場君收合精銳五千之衆身伉矢石搃
碎千計肅清邊隅君南中監石人情歸望選奉号龍驤
將軍護鎮蠻校尉寧州刺史邛都縣侯君姿瑛確之高
略敦純懿之匹度獨步南境卓尔不羣雖子產之在鄭
蔑以加焉是以蘭聲既暢福隆後嗣者矣自非愷悌君
子孰能若斯也哉天不吊復疾弥薦享年六十一歲
在丙戌十二月上旬薨梨庶痛悼宋夷傷懷天朝遠感
追贈中牢之饋也故吏建寧趙吹之巴郡杜長子等伍

哀仁德永慕罔澤刊石樹碑哀尚杰烈其頌曰

巍巍靈山峻高迨造或躍在淵龍飛紫闥遐遐君侯天
姿瑛哲縉紳踵門揚名四外東帛菱菱禮聘交會優遊
南境恩沾華壤撫伺方岳勝殘去致悠哉明后德重道
融綢繆七經騫騫連躬鳳翔京邑曾閔比蹤如何不吊
遇此繁霜良木摧枯光暉潛藏在三感慕孝友哀傷銘
迹罔石千載垂功

祖已薨背考志存銘記良願不遂奄然身終嗣孫碩子
等友于哀感仰尋彝訓永慕高蹤控勒在三仲秋七月
登山菜石樹立罔碑表殊勲於當世流芳風於千代故
記之 寧州長子驍罔早終次弟驍紹次弟驍暄次弟

驍崇等建樹此碑

大明二年歲次戊戌九月上旬壬子朔嗣孫碩□□□
□□碩萬碩思碩□碩羅碩闡俗等立

近碑府主薄益州杜萇子 文建寧燕道慶作

碑陰 左右各三列

府長史建寧燕道文 鎮蠻長史建寧燕世明

司馬建寧燕德民 司馬建寧燕順靖

錄事參軍武昌郡劉觀 錄事參軍建寧毛璋子

功曹參軍建寧孟達倫 功曹參軍朱提李融之

倉曹參軍建寧稟□登 倉曹參軍梓柯謝國子

戶曹參軍建寧周賢 戶曹參軍南廣楊道育

毛兵參軍鴈門郡王令

毛兵參軍建寧麋孫記

府功曹建寧麋

蠻府功曹建寧李延祖

主簿建寧趙道才

主簿建寧孟令孫

右右方第一列

主簿建寧孟順德

右右方第二列

錄事孟林

別駕建寧麋敬祖

西曹劉道善

治中晉寧趙世棧

戶曹尹仲常

主簿建寧麋德融

記室張赫熬

主簿建寧孟赫明

朝直張世保

西曹益寧楊瑯

麾下都督王道盈

西曹晉寧駱雄

□□尹頭

右左方第一列

□□文

□□康

右右方第三列

門下建寧麋連

門下張尋

錄事弋陽郡舒征

錄事萬敬

西曹建寧周令活

西曹尹開

戶曹建寧陳世敬

戶曹來赫子

省事安上輿稚圭

省事李道學

書佐建寧孟羅

書佐單仲

幹張孫明

幹盛慶子

案燕龍顏建寧同樂縣人祖父以來世為晉寧建
 寧二郡太守寧州刺史宋書地理志寧州刺史今
 領建寧晉寧牂牁平蠻夜郎朱提南廣建都西平
 西河東河陽雲南興寧與古梁水十五郡建寧太
 守漢益州郡滇王國劉氏更名晉書領縣十三同
 樂令晉武帝立晉寧太守晉惠帝永安太安二年
 分建寧西七縣為益州郡懷帝更名晉書永嘉二
日晉合攷三國志晉書華陽國志南中志大同志
 通鑑諸書蜀漢建興三年諸葛亮南征改益州為
 建寧以李恢為太守移南中勁卒為五部分配大

姓焦雍叟囊孟量毛李為部曲號五子故南人言
 四姓五子即碑所云鄉望標於四姓收其俊傑建寧囊習為官
 屬習官至領軍魏咸熙初建寧囊谷為交阯太守
 囊谷卒囊能等將兵晉武帝泰始七年分益州之
 建寧與古雲南交州之永昌合四郡為寧州太康
 中罷寧州置南夷校尉統五十八部夷族惠帝太
 安初南夷校尉李毅行部永昌從事孫辨上南中
 形勢七郡斗絕晉弱夷強應復寧州以相鎮慰詔
 復置寧州增統牂牁益州朱提合七郡為刺史加
 龍驤將軍成都縣侯後南夷屢叛李雄稱帝建寧
 大姓囊量囊深附之通鑑晉永興二年南中盡為

李氏所有乃分寧州置交州以爨深爲交州刺史
此劉宋以前寧州建置之大略爨氏之所由強也
爨本邑名因爲氏族戰國時巴圖爨襄見魏策此
爨氏之取先者碑云迺祖肅魏尚書僕射河南尹
元和姓纂河南尹爨肅見謝承後漢書龍顏爲肅
因孫其祖父皆書爵不名晉書穆帝紀永和元年
李勢將爨頡來奔姓纂有寧州刺史爨頡或即龍
顏之祖又引蜀志交阯刺史爨琛當是交州刺史
爨深之誤晉書王遜傳遜使爨琛距李驥戰於堂
狼深爲蜀漢時人琛爲東晉時人相去六十餘年
諸書往往誤合爨氏之盛始於漢晉間乘中國擾

亂雄長羣蠻分統其地隋唐以來西爨白蠻東爨
烏蠻屢徙復振朝貢通款史不絕書此爨之著姓
分土碑所謂南中磐石人情歸望者也宋書文帝
紀元嘉九年九月妖賊趙廣寇益州陷沒郡縣州
府討平之碑云歲在壬申州境擾亂君收合精銳
肅清邊隅即指平趙廣之亂也遷寧州刺史在討
平趙廣之後攷元嘉十八年十二月晉寧太守爨
松子叛寧州刺史徐循討平之十九年十月以晉
寧太守周萬歲爲寧州刺史皆與龍顏同時終宋
之世寧州刺史之見於正史者前有應襲周籍之
後有桓閔尹懷順杜叔文符仲子費景緒費伯宏

諸人而不及龍顏豈當時聲教既遠朝廷任官不能久於其地龍顏獨步南境爲眾所推襲封遷秩或不待命與史稱梁時南寧州土民爨瓚竊据一方國家遙授刺史後其子爨震恃遠不服爨翫降而復叛以碑證史則寧州爲爨氏所據不始於梁因竊據而遙授之龍顏固開瓚震之先與歲在丙戌爲宋文帝元嘉二十三年龍顏年六十有一則其生在東晉孝武太元十一年丙戌安帝義熙十年舉秀才時年二十有九碑立於宋武帝大明二年距龍顏沒時十二年矣寧州刺史加邛都縣侯南中志作成都誤碑額左右刻日月古所未見志

稱諸葛亮爲夷作圖先繪天地日月殆蠻俗遵之以弁石刻與此碑足冠六詔諸碑箸錄家所未見者予於嘉慶中得此碑搨本亟爲錄跋後數年讀札樸所載又十餘年爲道光丁亥阮農部自雲南拓寄并示跋尾附錄於後桂未谷馥札樸云爨

氏見於載記者華陽國志昌寧大姓有爨習蜀志建寧大姓有交州刺史爨深梁武帝以爨瓚爲寧州刺史有二子曰震曰翫隋開皇十七年翫反史

萬歲討降其子弘達唐武德中爲昆州刺史又垂

拱中昆州刺史爨乾福見兩唐書張柬之傳南詔碑有南寧

州都督爨歸王昆州刺史爨日進梨州刺史爨祺

螺山大鬼主爨彦昌南寧州大鬼主爨崇道至後
晉有爨州借與段思平兵以敗楊干貞是爨氏自
魏歷十數代未衰故謂之大姓碑中多假借及別
體字如紹蹤作紹縱鉞斧作越斧簪纓作振纓九
列作九例采石作菜石幢蓋作幢愷班作斑匪作
逕淵作狎匠作近驎作驎爨作爨作爨兩顯字並
作顯集古錄云漢綏民校尉熊君碑書顯字皆爲
顯莫曉其義馥案濕水禹貢孟子漢書地理志並
作漂字蓋隸變累爲累也謚从益不从盆與魯峻
碑同戴侗曰唐本說文有謚無謚是从益爲正體
可證說文之誤碑陰幹即幹字漢碑陰亦有之洪

氏隸續言之詳矣其頌以闡哲殺與遼外會襲爲
韻案殺廣韻音所界切禮器不豐不殺即此音曹
植黃帝贊以哲韻制王粲誄以闡韻又是也又以
霜藏傷與融躬蹤功爲韻案東方朔七諫以當韻
功陳琳賦以遑韻躬陸雲陸府君誄以章韻蹤可
爲比照也 阮賜卿福跋尾云案三國漢建興二
年改益州郡置建寧郡晉置寧州建寧郡及同樂
縣劉宋因之當即今曲靖府地同樂縣其即陸涼
州晉寧郡當即今晉寧州雲南府地也爨姓始見
戰國策魏有爨襄鄭樵通志爨出晉昌後漢河南
尹爨肅見謝承後漢書碑云迺祖肅魏尚書僕射

河南尹君尚書之因孫與通志所引謝書正合又
華陽國志載諸葛武侯南征收建寧爨習官至領
軍習仕蜀漢與肅仕曹魏同時龍顏為肅孫則
非習裔矣唐書兩爨蠻傳自曲州靖州西南昆川
曲輒晉寧喻獻安寧距龍和城通謂之西爨白蠻
自彌鹿升麻二州南至步頭謂之東爨烏蠻今曲
靖已在雲南省治之東唐時謂之西爨然則東爨
當在今貴州興義府普安廳等地即碑所云東西
二境今曲靖之白黑裸羅皆二爨之苗裔也碑末
書匠碑益州杜葺子即前所云故吏巴郡杜長子
迺監造碑刻之人非碑匠也大明宋書作大明葺

孝武之大明讀如太也頌用易蹇蹇匪躬作騫騫
自是彼時文字俗異非周易有此異文

碑容貌作猥猥乃貊之譌英雄英哲作瑛說文
瑛訓玉光諛可通用漢綏民校尉熊君碑攬瑛
雄之迹兮平都相蔣君碑口濟清瑛郭仲奇碑
翼翼瑛彥皆作瑛也音年作亨古只用亨杜長
子前作長後作葺論語公冶長史記索隱引家
語作葺葺本葺楚字借為長也前跋未及附識

陸增之祥志

齊

妙相寺石佛題字

石佛高廣未攷正書三行字徑寸許在浙江會稽縣妙相寺

齊永明六年太歲

戊辰於吳郡敬造

維衛尊佛

案齊世祖即位歲在壬戌明年癸亥改元永明六年戊辰乃北魏高祖太和十二年也元和郡縣志後漢順帝時陽羨令周嘉上書以吳越二國周旋一萬一千里浙江山川險絕求得分置遂分浙江以西為吳郡以東為會稽郡自晉至陳又于此置東陽州隋平陳改東陽州為吳州大業元年改為越州此南齊石刻而稱吳郡或當時嘗有改并而

史乘失載與

後魏

營州刺史高貞碑

裴本高廣行字未詳在山東德州學宮

魏故驩驤將軍營州刺史高使君懿侯碑銘

君諱貞字羽真勃海脩人也其先蓋帝炎氏之苗稟昔

在黃唐是為四嶽爰逮伯夷受命于虞舜曰典朕□□

□□暨呂尚佐周克殷有大功於天下位為太師俾

侯齊國世世勿絕表乎東海其公族有高子者即其氏

為自茲已降冠冕繼及世濟其德不賈其名祖左光祿

大夫勃海敬公純嘏所鍾式誕

文昭皇太后是

爲世宗武皇帝之外祖孝安東將軍青州刺史莊公有
行有禮克荷克構即 文昭皇太后之弟二兄也

君稟岐嶷之姿挺珪璋之質清暈發於載卡秀悟口乎
幽函黃中通理之名卓尔不羣之目固已殊異公族見
稱於匠口至於孝以事親則白華不能比其潔友于兄
弟則常棣無以方其盛敬讓著自閭閻信義行於邦黨
若夫秉心塞淵砥礪名教伏膺文武不肅而成則綴軌
於前循同頹於先達者矣雖綺縠紉袴英華於玉許龍
馬流車陸離於陰鄧而不以富貴驕人必以謙虛業已
是故夷門識慕蹇步知歸我德如風物應如響弱冠以
外儀令望除秘書郎僚驛閣而來儀瞻石渠而式踐於

是縱容按文之職翻飛鴻鷺之間容止此而可觀清風
茲爲已稷既而重離再朗東朝始建杞梓循陳瑤金必
剖僉求其可帝曰尔諧選太子洗馬夙夜惟夤媚茲儲
后仰敷四德之美式揚三善之功同禁聰坊亡有出其
右也于時六宮口口百姓未繁口口大邦同踰華似以
君姊有神表淋問拜爲皇后君戚愈重口口冲寵日益
權日損由是有少君退讓之風無口淵嫡奢之患故莽
莽之望具瞻允集損幹之期匪朝伊暮而不幸短命春
秋廿有六以延昌三年歲次甲午口月巳卯朔廿六日
乙巳邁疾卒於京師二宮悲慟九族悼傷同位駿奔遐
爾必至 天子迺詔有司曰故太子洗馬高貞口業

始茂方加榮級而秀穎未實奄彫夏彩今宅兆有期宜
 蒙追陟可特贈驪驤將軍營州刺史以旌倬其墓
 所湏悉仰本州營辦臨塋又特給東園龍輜加謚曰懿
 凡我僚舊爰及邦人咸以君生而玉質至美也幼若老
 成至慧也孝友回心至行也□□□□至謙也君以此
 終而以此始烏可廢而不錄使來者無聞焉迺相與採
 石名山樹碑墓道其詞曰 屬緒皇□□□□堯咨
 四嶽□□□□惟高惟□世□龍光自茲□氏不實其
 芳於鑠光祿饗茲戩蔡赫矣安東純嘏斯屬或女或妹
 匪娥伊僕陟彼昭陽光我邦族山川降祉餘慶不已敬
 公之孫莊公之子如媵如瑩為山伊始人知其進莫見

其止古人有言膏粱難正於乎我君終和且令牧已謙
 謙與物無競孝友回心能久能敬爰始來儀濯纓鱗沼
 翮羽儲局其容皎皎方搏九霄載飛載矯天道如何是
 □是天生榮死哀禮有加數曷用寵終英英旂輅其人
 雖注其風可慕因石一刊清徽永鑄
 大代正光四年歲次癸卯□管黃鍾六□□□□□□□
 □□

嘉慶丙寅歲王孝廉保訓告我德州衛河第三屯出

魏高貞碑與知州原遜志庫大使沈志水移置學宮

山東督糧道孫星衍記

右碑文正書七四行行四十六字篆額攷益州太守

高頤碑敘其先出顓頊裔孫逢伯陵佐殷湯有功食采齊口樂邑世爲正卿氏采建姓至高爲桓公將南陽之師而成魯美於春秋子攷樂邑上所闕當是高字至爲桓公將師成魯者乃高傒其語本春秋閔公二年公羊傳而通志氏族畧及通鑑魏紀注路史國名紀皆引風俗通高堂氏齊卿高敬仲食采於高因氏焉廣韻謂高姓齊太公六世孫文公赤生公子高孫傒爲齊上卿與管仲合諸侯有功桓公命傒以王父字爲氏食采於盧謚曰敬仲與高頤碑廣韻等書不合惟云出太公之後與廣韻合此碑所云高子即高傒其言爲呂尚公族與廣韻史表言齊太公之後

同而又謂太公爲炎帝之裔四嶽伯夷之後則又與高頤碑異尚書舜典有能典朕三禮僉曰伯夷孔傳云伯夷臣名姜姓正義引鄭語云姜伯夷之後也然則此碑以呂尚出伯夷之後與孔傳合矣惟攷史記齊太公世家云其先祖嘗爲四嶽佐禹平水土甚有功虞夏之際封於呂本姓姜氏從其封姓又說文云昔太嶽爲禹心呂之臣故封呂姓皆不言伯夷又碑云渤海脩人廣韻言高有五望一曰渤海也其云祖左光祿大夫渤海敬公者高颺也祖安東將軍青州刺史者高偃也並見魏書外戚高肇傳然史言偃之謚爲莊侯而非公自當以碑爲正碑又云以君姊有

神表淑問拜為皇后者即世宗之宣武皇后也世宗初納為貴人後拜為后肅宗即位又尊為皇太后尋為尼於瑤光寺神龜元年暴崩於寺殯葬皆以尼禮此碑立於正光四年已在神龜元年之後四年而碑但言其為皇后不及其尊號為皇太后者或以貞之卒尚在延昌三年故也然碑於前已稱世宗武皇帝則撰碑之時自當據正光時為稱而碑乃不及者豈以其終於為尼欲為肅宗諱之邪古泉山館金石文編萃編僅存其目編中未錄今據搨本補之案貞卒於宣武延昌三年甲午建碑於孝明正光四年癸卯碑題稱魏後稱大代者魏書崔浩傳以始封代

土後稱為魏故代魏兼用猶彼殷商集古錄金石錄並有太延五年大代修華嶽廟碑又太和二年始平公造像記云暨于大代延昌三年司馬景和妻墓志銘首稱魏代蓋皆不忘本始之意可與史傳相證也又魏書外戚傳高肇父颺高祖納其女是為文昭皇后生世宗景明初贈颺左光祿大夫賜爵渤海公謚曰敬肇長兄琨琨弟偃正始中贈偃安東將軍都督青州刺史謚曰莊是貞為高颺之孫高偃之子偃為文昭皇后第二兄皇后傳以為弟者誤也高偃傳景明四年世宗納其女為貴嬪永平二年立為皇后道鑑梁天監二年魏主納高肇兄偃女為貴嬪正當

景明四年天監七年七月魏立高貴即碑所稱以
嬪爲皇后則是永平元年非二年矣即碑所稱以
君姊有神表淑問拜爲皇后也壬辰歲十月魏改
元延昌立皇子翊爲太子貞遷洗馬當即其時唐
書宰相世系表後漢渤海太守高洪居渤海菑縣
肇即其後故貞爲渤海菑人元和郡縣志河北道
德州菑縣本漢條縣即條侯國屬信都後漢屬渤
海郡晉改條爲脩隋廢渤海郡改脩爲菑屬觀州
唐貞觀中觀州廢改屬德州此碑與高植高湛二
誌皆出於德州衛河第三屯即高氏墓所案漢書
地理志勃海郡有脩市縣侯國應劭讀脩爲條又
信都國有脩縣顏氏亦音條周亞夫封條侯功臣

表作脩侯續漢書郡國志勃海郡有脩縣屬信都
而無脩市疑併入脩縣矣宋書州郡志始以脩爲
菑魏書州郡志仍作脩與此碑正合而高湖高聰
高肇等傳皆書渤海菑人蓋脩菑通用已久非改
于隋此碑勃海菑人高植志勃海條人高湛志勃
海條人脩菑條古皆通用北朝碑刻偏旁多
作彳碑中勃作勃脩作菑龍作驪裔作裏冕作冕
暉作暉高湛碑同與戚作俄麟作麟備作備寅作
寅美作美聯作聯寵作寵短作扞旌作旌厥作厥
穀作穀旂作旂並異文從容作縱容驕奢作嬌奢
通借字也下別體作卡與弁通載卡即載弁孝文

太和十八年弔比干文執垂益而談卡亦即卜字
通辨或釋卡爲弄非頽即規本从頁从矢因譌作
頽魏書世祖紀始光二年造新字千餘頒下遠近
永爲楷式豈即當時新字歟

碑云已卯朔廿六日乙巳案乙巳是廿七日云
廿六日者猶言越廿六日也它碑亦間有之黃
唐即皇唐伏膺即服膺遐爾即遐邇皆古通如
媵如瑩以媵爲瑋膏梁難正以梁爲梁皆別體
其規之作頽者矢旁作先此涉筆偶誤又或石
有微泐耳非从死也碑中矯字偏旁正作先也
陸增祥志

魏氏造象碑側

正碑已載萃編此刻碑側上截二行行五字中截五行行六字下截七行行三十五字在陝西富平縣

巨貴魏豐 巨主魏始 以上兩行刻上截

正光五年歲次甲辰六月朔日合邑 下闕

以上刻中截

造其極 已如 損身 求 之
七 元 之 願 既 成 已 要 死 上 之 道 行 悲
已 蔽 蒙 惑 之 類 三 會 永 二 聖 沈 淪 苦 海 覓 若 所 趣 唯 馮

□遂取名石延及阡匠造像一區運□□□□□□□□

□□□□□□□□□□□□□□□□□□□□□□□□

等捨身受□值佛□□□□□□□□□□□□□□□□

□□□□□□□□□□□□□□□□□□□□□□□□

案此因魏氏造象而記于碑側時為北魏孝明帝


正光五年萃編以造象碑附西魏大統之後未見


碑側所題歲月也六月下所缺以通鑑目錄攷之

當是庚辰二字

以下皆不可辨
以上刻下截

金石續編卷第一終





風
海
圖
錄